

- 1' Hie hab ich gsetzt noch vil zů samen
- 2' Die narren sint / vnd hand den nammen
- 3' Dern ander narren sich doch schammen



## von vslendigen narren

- 1 Noch synt sunst vil vnnützer lüt
- 2 Die wußt gantz jnn den narren hüt
- 3 Vnd sint dar jnn verharret gantz
- 4 Gebunden vff des tūfels schwantz

r ij

3' ander GW5046 GW5047 ] andern GW5041 2 den GW5046 GW5047 ] der GW5041

5 Vnd sint zů bringen nit dar von  
 6 Will ich still schwygend für sie gon  
 7 Vnd sie lon jnn jr narrheyt bliben  
 8 Vnd von jr torheyt wenig schriben  
 9 Als Saracenen / Türcken / Heyden  
 10 All die vom glouben sint gescheyden  
 11 Den glich ich ouch / die kâtzer schůl  
 12 Die halt zů Prag / den narren stůl  
 13 Vnd hat gespreit vß jren standt  
 14 Das sie ouch hat yetz Mährhern landt  
 15 Die wúst jnn die narren kappen tretten  
 16 Glich wie all die anders an betten  
 17 Dann dry person / eyn woren gott  
 18 Den vnser gloub ist wie eyn spott  
 19 Die ich nit für schlecht narren han  
 20 Sie müssen vff der kappen stan  
 21 Dann jr narrheyt so offlich ist  
 22 Das yedem tůch zůr kappen gbrist  
 23 Des glich all die verzwifelt hant  
 24 Vnd sint verstrickt jnn tůfels bandt  
 25 Als dorecht frowen / bõse wiber  
 26 All kuppelerin / pfowen triber  
 27 Vnd andere die jn sünden synt  
 28 Vnd jnn jr narrheyt gantz erblyndt  
 29 Do mit will ich ouch deren gedencken  
 30 Die sich selbs dõten / oder hencken  
 31 Vnd kynd vertũnt / vnd die ertrencken  
 32 Die sint nit würdig der gesatz  
 33 Oder das man sie ler / vnd fatz  
 34 Doch ghõren sie jnn narren zal  
 35 Jr narrheyt gibt jnn kappen all

---

**18** ist *GW5041 GW5046* ] fehlt *GW5047*    **31** ertrencken *GW5046 GW5047* ] ettrencken *GW5041*